

Circu u soli

Aldilà di a bughjura
Ch'ammanta u celu spachju,
Quandu si stendi l'attrachju
Nantu à ugni primura.

Circu u soli

Aldilà di l'amarezzi
Di ciò chì troppu cunnoscu,
Quandu chì un velu foscu
Avvinghji i me cirtezzi.

Circu u soli

Circu u soli chì splendi senza fà nici
Caldi linzoli pà copra i me vinici,
È middi foli da pudè campà filici.

Aldilà di u rancori

Pà ciò chì ùn aghju fattu
È chì sempri ferma piattu
In fondu di u me cori.

Circu u soli

Aldilà di l'illusioni
D'ugni sintimentu vanu,
Quandu mi scappa di manu
U raghju di a passioni.

Circu u soli

Circu u soli d'una calura sparita
Pochi paroli, ma issa gioia infinita,
Chì mi ci voli pà innorà a me vita.